

OKVIRNI SPORAZUM

Nabavka usluga servisiranja motornog vozila u garantnom roku marke "DACIA" (LOT 1)

Strane u okvirnom sporazumu:

MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, koga zastupa ministar Admir Katica, (u daljem tekstu: Ugovorni organ) i

"GUMA M" d.o.o. Mostar, ulica Bišće Polje bb, kojeg zastupa direktor Mario Vujević (u daljem tekstu: Dobavljač)

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama BiH ("Službeni glasnik BiH", broj 39/14) proveo otvoreni postupak za nabavku usluga servisiranja motornog vozila marke "DACIA" u garantnom roku (LOT 1) za potrebe Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od 36 (trideset šest) mjeseci;
- Nabavka je izvršena putem otvorenog postupka na osnovu Odluke broj 01-14-4-3540 od 19.06.2019. godine;
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi Dobavljača broj 269-07/19 SE od 11.07.2019. godine.

Član 1.

Predmet okvirnog sporazuma je utvrđivanje uslova za zaključivanje pojedinačnog ugovora o javnoj nabavci usluga servisiranja motornog vozila marke "DACIA" (LOT 1) u garantnom roku za potrebe Ministarstva unutrašnjih poslova Kantona Sarajevo u skladu sa uslovima iz tenderske dokumentacije, ponudom Dobavljača, odredbama ovog okvirnog sporazuma i stvarnim potrebama Ugovornog organa.

Količine navedene u specifikaciji su okvirne i vrijede za vrijeme važenja okvirnog sporazuma. Ukupna vrijednost ovog okvirnog sporazuma iznosi 14.941,06 KM sa PDV-om (četnaest hiljadadevetstotinačetrestjedna i 06/100 KM).

Cijene su fiksne i ne mogu se mijenjati za vrijeme važenja ovog okvirnog sporazuma.

Član 2.

Nakon zaključenja okvirnog sporazuma, ugovorne strane će zaključiti pojedinačne ugovore o javnoj nabavci.

Pri zaključivanju pojedinačnih ugovora, ne mogu se mijenjati bitni uslovi iz ovog okvirnog sporazuma.

Član 3.

Ugovorni organ će ugovorenu cijenu plaćati Dobavljaču u roku od 45 (četrdeset pet) dana po dostavljanju fakture.

Član 4.

Dobavljač se obavezuje da ugovorenu uslugu izvrši u roku koji će biti definisan pojedinačnim ugovorom o javnoj nabavci koji zaključuje Ugovorni organ i Dobavljač, u skladu sa ovim okvirnim sporazumom.

Član 5.

Dobavljač se obavezuje da ugovorenu uslugu izvrši u svemu prema tehničkoj dokumentaciji, propisima, standardima i normama kvaliteta koji važe za vrstu usluga koje su predmet nabavke.

Član 6.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili omogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Ovaj okvirni sporazum se zaključuje na period od 36 (trideset šest) mjeseci, a stupa na snagu danom obostranog potpisivanja.

Član 8.

Dobavljač se obavezuje da će potvrdu (certifikat) da je ovlašten serviser za motorna vozila marke „Dacia“ dostaviti u roku od 10 (deset) dana od dana isticanja potvrde koja je važila u trenutku zaključivanja ovog okvirnog sporazuma, dakle najdalje do 10.01.2020. godine.

Ukoliko dobavljač ne ispoštuje obavezu iz stava 1. ovog člana Ugovorni organ može jednostrano, bez saglasnosti Dobavljača, raskinuti ovaj okvirni sporazum.

Član 9.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 10.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAČ
"GUMA M" d.o.o.
MOSTAR



Mario Vujević



UGOVORNI ORGAN
MUP KANTONA SARAJEVO

Admir Katica

Broj: 152-100/15
Datum: 30.10.2019.

Broj: 01-14-4-3540-OS
Datum: 14.10.2019. g.